

文瑞文藝
甲世步澤
同齋

石湖居士文集卷第十九

詩

初發太城留別田父

熟矣

兩蜀夏旱未行前數日
連得雨父老云今年歲

同齋

秋苗五月未入土行人歆行心更苦路逢田翁有好
語競說宿來三尺雨行人雖去亦伸眉翁皆好住莫
相思流渠湯湯聲滿野今年醉飽雞豚社

入崇寧界

桑間三宿尚回頭何況三年濯錦遊草草郾筒中酒
處不知身已在彭州

懷古亭在永康離堆之上離堆分岷江水一派

朝來寫得故人書雙鯉難尋鴈亦無付與離堆江水去解從郫縣到成都

離堆行以分江有兩崖中斷相傳秦李太守鑿此

伏龍觀在潭上蜀旱支江水相阻即遣官致祭壅都

江水以自足謂之攝水無不應民祭賽者率以羊

殘山很石雙虎卧斧跡鱗皴中鑿破潭淵油油無敢

嚙下有猛龍踰鐵鑠自從分流注石門西州杭稻如

黃雲封羊五萬大作社春秋伐鼓蒼煙根我昔官稱

勸農使年年來激西江水成都火米不論錢紙管相

隨看蠶市款門得得醉清尊椒漿桂酒刑羶軍妾欲

一語神豈聞更願愛羊如愛人

崇德廟李太守廟

雪山南風融雪汁化作岷江江水來不知新漲高幾

畫離堆石壁舊有水則記張但覺樓前奔萬雷天教

此水入中國兩山辟易分道開我家長川到海處却

在發源傳酒杯人生幾履辨此役遠游如詩神應咄

東歸短棹昨已具明日發舡撾鼓催灘平放溜日千

里已夢鱸膾如雪堆丹楓繫纜一回首玉壘浮雲安

在哉

戲題索橋

織簾白鋪面排繩彊架空深人高曬帛獵戶遠張量
薄薄難承雨翻翻不受風何時得蜀客東下看垂虹

青城山會慶建福宮

宮舊名又人觀子為請於朝賜今名入山前數

日勅書至自行在予就設醮以祝聖人壽云

墨詔東來洵驛傳璇題金榜照山川祥開聖代千秋

節響動仙都九室天觸石湧雲埋紫邏流金飛火燭

蒼巔祇應老宅厖眉客長記新宮錫號年老宅即老人

澤疑傳之誤余為更此名

再題青城山

萬里清遊不暇慵雙旌換得一枝筇來從井絡直西

路上到江源第一峯海內閑身輸我佚山中佳氣為

人濃題詩試刻巖前石村與它年鮮暈重

8

玉華樓夜醮

青城觀殿前大樓制作瑰麗初夜有火炬出殿後峯上羽衣云數年

前曾一現已而如燈果為我來者當再明使衆共觀見矣予默待云此燈果為我來者當再明使衆共觀之語訖復現

丈人峯前山西周中有五城十二樓玉華仙宮居上

頭紫雲浮頰千柱浮剛風八面寒飈颺靈君宴坐三

千秋躡符飛行戲元洲下睨濁世悲蜉蝣挂旗偃蹇

澹少休知我萬里遙相投暗蛸奏樂鏘鳴球浮黎空

寫神燈勝
東坡金山詩

歌清夜。蓮參旗如虹。歛下流。化為神燈燭。巖巖幽火鈴。道
洞赤凌空。遊誰與蔽虧。黯然收禱之。復燃為我留。半
生縛塵鷹。鳥在鞵。豈有骨相肩。浮丘山英發。光洗羈愁
行迷未遠。夫何尤。笙簫上雲靈。歆旂揖我從之。駮素
虬

上清宮

自青城登山所
謂最高峯也

歷井捫參。興未闌。丹梯通處。更躋攀。冥濛蜀道一雲
氣。破碎岷山千髻。環但覺。星辰垂地上。不知風雨滿
人間。蝸牛兩角。猶如夢。更說紛紛觸與蠻

最高峯望雪山

大面峯頭六月寒。神燈收罷曉雲班。浮空忽湧三銀
闕。云是西天雪山嶺。山

范氏莊園

夕陽塵土漲郊墟。六六峯頭夢覺餘。竹色喚人來下
馬。亂蟬深處有圖書

青城縣何子方使君同年園池

橙。膝。芋。隴。意。中。行。浩。蕩。薰。風。不。計。程。兩。脚。背。人。歸。玉
壘。江。聲。隨。馬。入。青。城。五。橋。今。日。新。知。路。千。佛。當。年。舊
綴。名。水。竹。光。中。同。一。笑。少。君。荷。露。濯。塵。纓

何同年書院

有丹竈
甚雅

工於洗鍊
以第五橋為
五橋如何姓
下句切同年

竹色侵晚帙泉聲漱嵌根試通丹竈路應到老人村

江原縣張季長正字家善頌堂季長畫出先世所藏圖書

壁有趙清獻公為令時題名是日食新米坐中皆贊喜夏初嘗大旱也

我窮江源來名勝頗追逐薰風秀沃楚在處得奇矚

頌堂有佳士文字照練竹圖書抱世守古錦韜玉軸

黃金不滿筭賦故國有喬木逡巡酒如澗霍霍具水陸

田頭新穀升一飯香滿屋回思閔雨時敢望遽炊玉

摩挲壁間題明府遂州牧山高江水長百世詔尸祝

我來坐琴壇琴壇在成都西園清獻公彈琴宴坐處醜汗愧前躅空餘

煙霞痼未許是公獨請歌青城遊或附耆舊錄

蜀州西湖荷花正盛關水月登舟亭也湖陰亭外別有白蓮九奇蜀中無菱至此始見之

閑隨渠水來偶到湖光裏仍呼水月舟徑度雲錦地

誰云不解飲我已荷香醉湖陰玉嬋娟復立紅粧外

何須東閣梅悠然自詩思驚風八午暑水竹有秋意

采菱不盈翁興與尊籩會遙知新津宿魂夢亦清麗

新津道中

雨後郊原淨村村各好音宿雲浮竹色清溜走榴陰

曲沼擎青蓋新畦藝綠針江天空闊處不受暑光侵

次韻陸務觀編修新津遇雨不得登修覺

山徑過眉州三絕新津館舍上漏下濕送客皆不堪憂修覺一望人云

可見劔門杜子美所謂西川供客眼處眉山城中悉是河池

送客多情難語離僕夫無情車載脂平生漂泊知何

限少似新津風雨時

離合紛紛怕遠遊遠遊仍怕賦登樓何須一望三千

里望盡西州轉更愁

雨後暮頤山色開。玻璃江清已可杯。綠荷紅芰香四

合。又入芙蓉城裏來。

中巖去眉州一程諾詎羅尊者道場相傳昔有天台僧過病僧與之木鑰匙云異特至負

州中巖扣石笋當舟相見後果然今玉板嶼正如樓觀前雨樓純紫石中一樓蘿蔓披之傍有寶餅

峯甚端正山半有喚魚潭慈姥龍所居世傳馮蕩大小龍湫亦詔詎羅道場豈化人往來無常處邪

赤巖倚吟屐翠邏森戎削岑蔚嵐氣重稀間暑光薄成

聊尋大士處往扣洞門鑰雙撐紫玉闕中直矗翠雲幄

應供華藏海歸坐寶樓閣無法可示人。但見雨花落

不知龍湫勝何似魚潭樂夜深山四來人靜天一握

驚看松桂白月影到林壑門前六月江世界塵漠漠

寶餅有甘露一滴洗煩濁捫天援斗杓請為諸君酌

慈姥巖與送客酌別風雨大至涼甚諸賢

用中巖韻各賦餞行詩紛然破牋清飲終

日雖無絲竹管絃而情味有餘

山靈知我厭塵土。喚起蟄雷塵釜午。暑者松風無力雨。絲
長散作甍甍雪。塵舞巖前懸溜珠。簾傾安得吹來添
玉觥。詩成酒盡腸亦斷。休喚佳人歌渭城。

次韻陸務觀慈姥巖酌別二絕

送我彌旬未忍回。可憐蕭索把離杯。不辭更宿中巖
下。投老餘年豈再來。

明朝真是送人行。從此關山隔故情。道義不磨雙鯉
在。蜀江流水貫吳城。

再次韻代荅劉文潛司業二絕

平羌江上首空回。慈姥巖前定把杯。縱使石腸都忘

却。也應風雨送愁來。

回廊月下短歌行。惟有知音解有情。一曲紅窻聲裏
怨。如今分作兩愁城。

玻璃江一首戲荅陸務觀作

玻璃江頭春渌深。別時汙汙流到今。祇言日遠易排
遣。不道相思翻苦心。烏頭可白我可去。菖花易青君
易尋。人生若未免離別。不如碌碌無知音。

余與陸務觀自聖政所分袂。每別輒五年
離合。又常以六月似有數者。中巖送別至
揮淚失聲。留此為贈。

宦途流轉幾沈浮。雞黍何年共一丘。動輒五年遙遠，
信常於三伏話。羈愁月生後夜，天應老淚落中巖。水
不流一語相開，仍自解除書間已趣刀頭。

萬景樓

在漢嘉城中山上登覽勝絕殆冠西州
予今畫工作圖以歸山谷來游時但有

安樂園未
有此樓也

左披九頂雲，右送大峨月。殘山剩水，不知數一一當
樓。供勝絕，玻瓈濯錦，遙相通指。麾大渡來朝，宗川靈
胥命各東去。我亦順流呼短篷，詩無傑語慙風物。賴
有丹青傳小筆，仍添書客倚欄看。令與山川相映發。
龍灣歸路遶烏尤，棟雲簾雨邀人留。若為喚得涪翁

起題作西南第一樓

凌雲九頂

即大石佛處初登山時巖壁上悉刻
為小佛不知其數山前佛頭灘受雅

江之衝最
為艱險

聊為東坡載酒遊，萬龕龍迎我到峯頭。江搖九頂風雷
過，雲抹三峨日夜浮。古佛臨流都坐斷，行人識路亦
歸休。酣酣午枕眠方丈，一笑閑身始自由。

戲題方響洞

漢嘉廣福院中承洞有聲琅然莫
知其所在舊名丁東水山谷易今

名且題詩云古人名此丁東水自古東丁直
至今我為改為方響洞要知山水有清音

隔九冰澗不可越，叢真微步壺中月。徒倚含風玉佩
聲，何須聽作琵琶宮鐵。

問月堂酌別

半明燈火話悲酸此會情知後會難四海官遊多聚
散一生情事足悲歡鬢絲今夜不多黑酒量徹明無
數寬醉夢登舟都不記但聞風雨滿江寒

別後寄題漢嘉月榭

陸務觀所作同年謂
王予蒼萬景嘉州酒

名湖亭明月湖也在州治前方作旗亭月榭正
直大峨取太白峨眉山之語以名傍有一巖
景趣尤佳子蒼
欲作樓未果

隱吏詩情卜築幽同年惜別勸淹留試傾萬景湖亭
酒來看半輪江月秋川路雖長猶共此夜舩空載且
歸休碧巖勝處頻回首好事誰能更小樓

過燕渡望大峨有白氣如層樓扶起叢雲

中

圍野千山暑氣昏大峨煙靄亦繽紛王峯忽起三千
丈應是兜羅世界雲

蘇稽鎮客舍

送客都回我獨前何人開此竹間軒灘聲悲壯夜蟬
咽併入小窻供不眠

峨眉縣

縣出符文布婦女人績麻且行且觀
田家束蒿燃於門口為香氣以迎客

窮鄉未省識旌旄雞犬驩呼巷陌騷村媪聚觀行績
布野翁迎拜蹠燃蒿泉清土沃稻芒早縣古林深槐

瘦高珍重里儒來獻頌盛言千載此丘遭

初入大峨

煙霞沉痾不須醫此去真同汗漫期曾歛上清臨大
面仍從太白問峨眉山中緣法如今熟世上功名自
古癡賸作畫圖歸挂壁它年猶欲卧遊之

華嚴寺

衆峯攢壁立中有路一綫扳接白雲梯食頃已天半
我本紫芝曲誤落青芻棧向來脫新羈况已還舊觀
花煙解少城暑雪對大面來從太白西更走三峨徧
風生兩腋輕泉吼四山眩今晨第一程莫嘆與僕倦

中峯

有普賢閣背倚白崖峯餘七十峯共環
之茂真尊者舊庵在峯下其旁一峯最
秀号呼應孫思邈所往來傳云
茂真與孫常相呼而應故名

未經人道過

凌高躡危峯斗下頰幽谷仙英馥椒蘭嘉蔭直豈旄毒縣
空翠元不雨洩雲自膏沐暑者綵森有稜瘁肌淒欲粟
白崖如負依金界奠蒼麓衆峯拱二八娟妙繞重屋
真人與尊者幽居接松竹呼之儻肯應留我試食玉

雙溪

在白水寺前兩溪各自一山來齊出橋下
前行入林數十步合為一水洄而深潭以
入宝現溪僧云此景猶在庐山三峽鴈蕩龍湫之
上溪中旧嘗有兩石子開日照溪中常有五色
相光

冷風騷騷木葉低洞淵阻深生怪奇碧琳雙澗黑無

底中有玉龍相對飛。雷轟電掣捲入林樾。化為一龍潭。
底沒摩尼闢罷四山空。時有寶光巖下發。

寶現溪

雙溪合而一既出巖竇散為此溪叢
三藏自西域歸過溪見兩石子聞攬
得其一今藏黑水寺石上有
一目端正透底溪以此得名

粲粲菴畫沙鱗鱗翹塵水朝陽相發揮光景艷孔翠
寧聞雙溪號但見穀紋細神魚不謀食終日印潭底
躍珠本具眼聊共阿師戲收藏更傳寶一笑落第

點心山

在白水寺後
自此登峯頂

入山窘宿雨上山賀朝霽踰步便歷險轉盼已呀氣
豈惟勝點心固已頭搶地遊人貪勝踐姑吟蜀道易

大扶捍

身如魚躍上長竿路似鏡中相對看珍重山丁扶我
過人間踽踽獨行難

小扶捍

食時方了大扶捍前逢仄徑仍崎嶇懸崖破棧不可
玩輿丁挾我如騰狙平生行路險難足如今雪鬢應
難綠却憐苔髮鎖長青千古長髮挂高木

胡孫梯

夾山有胡孫
愁子嘗過之

木磴鱗鱗滑帶泥微生歌側寄枯藜胡孫愁處我猶
過箇裏如今幸有梯

雷洞平

七十二洞皆在道傍大旱有禱投香履投而觸之雷雨即至

花不應即以大石或死屍及婦人弊

行人魄動風森森兩崖犇黑愁太陰不知七十二洞
處側足下窺雲海深聞有神龍依佛住長觸須臾召
雷雨兩川稻熟須好晴我亦閑遊神勿驚

八十四盤

冥鴻無伴鶴孤飛回首塵籠一笑嬉八十四盤新柱
杖萬三千乘舊牙旗石梯碧滑雲生後木葉紅斑雪
霽時說與同行莫惆悵人間捷徑轉欽巖

婆羅平

仙聖飛行此是家路逢真境但驚呀神農嘗外畫靈
藥天女散餘多異花嵐雨逼衣寒似鐵冰泉炊米硬
於沙峰頭事事殊塵世缺稅跳梁笑井蛙

思佛亭曉望

栗烈剛風刮病眸登臨何啻緩千憂界天暑雪青城
外湧地晴雲瓦屋頭浩蕩它年誇北客蒼茫何處認
西州千巖萬壑須尋徧身是江湖不繫舟

光相寺

峰頂四時如大冬芳花芳草春自融苔痕新晞六月
雪木勢舊偃千年風雲物為人布世界日輪同我行

虛空浮生元自有超脫地上可憐悲攬蓬

七寶巖

大哉絕頂白水寺已在山半由白水陡上至巖又六十里

天如碧玉甌下覆白玉盤晶光眩相射我獨居兩間
正視不勝瞬却立聊少安但覺風浩浩骨毛森以寒
神僊杳無處寧論有塵寰身輕一槁葉兩腋如飛翰
同行挽我衣何往何當還少留作詩去竒哉此憑欄

淳熙四年六月二十七日登大哉之巔一

名勝峯山佛書以為普賢大士所居連日
光相大現賦詩紀實囑印老刻之以為山
中一重公案

勝峰高哉摩紫清白鹿導我登化城住山大士喜客
至兜羅布界續相迎圓景明暉倚雲立艷如七寶莊
嚴成一光未定一光發中有墨像隨心生白毫從地
插空碧散燭象緯天龍驚夜神受記亦修供照世洞
燃千百燈明朝銀界混一白咫尺眩轉寒凌競天容
野色儵開閉慘淡變化愁仙靈人言六通啟大現洗
山急雨如盆傾重輪疊采印巖腹非煙非霧非丹青
我與化人中共住鏡光覲面交相呈前山忽湧大圓
相日圍月暈浮青冥林泉草木盡含裹是則名為普
光明言詞海藏不勝讚北峰復有金橋橫眾慈久立

佛事竟一塵不起山岭岼向來無法可宣說為問有
耳如何聽我本三生同行願隨緣一念猶相應此行
且復印心地衣有寶珠奚外營題詩說偈作公案亦
使來者知吾曾神通佛法須判斷一任熱挽春雷鳴
請佛閣晚望雪山數十峯如爛銀晃耀暑

光中

累塊蒼然是九州大千起滅更悠悠雪光正照天西
角日影長浮雨上頭峰頂何曾知六月塵間想已別
三秋佛毫似欲留人住橫野金橋曉未收

淨光軒白水寺

翳華銷盡八窓明雨竹風泉演妙聲身世只今高幾
許北峯渾共倚欄平

虎溪

黑水寺前雖不及雙溪亦佳處也開山僧
至此斷渡一虎踞前因跨之亂流以濟今

作橋其上然歲
推盪輒更新之

水本無心作浪波經行偶與石相磨不須更問橋安
否喚取於菟載我過

白雲峽

牛心寺

雙溪疑從銀漢下我欲窮源問仙舍飛瀾濺沫漱藍
輿却望兩崖天一罅踈踈暑雨滑危梯策策山風掖
高駕幽尋險絕太奇生莫笑退之號太華

孫真人菴

何處仙翁舊隱居青蓮峽絕似蓬壺雲深未到淘朱
洞雨小先尋鍊藥爐。磻下草香疑可餌林間虎伏試
教呼閑身儘辦供薪水定肯分山一半無

龍門峽

插天千丈兩碧城中。有玉塹穿巖。局瀑流懸布不知
數。亂落嵌根。飛白雨。瑤琨為室。雲為關。龍君所居。朱
夏寒不辭。擊棹更深入。萬一龍驚雷破山。

詩妙

既離成都故人送者遠至漢嘉分袂其尤
遠而相及於峨眉之上者六人范季申郭

中行楊商卿嗣勳李良仲譚德稱口占此
詩留別

我本住林屋風吹來錦城錦城亦何樂所樂多友生
相從不知久相送不計程橫絕峨眉巔欲去有餘情
吾宗蓋難弟李郭人中英二楊懿文德譚子資粹清
相視心莫逆劇談四筵傾明朝各回首雲水相與平
我今投紱去行且扶犁耕淒涼別知賦慷慨結客行
後會豈不好路長恐寒盟諸賢乃不凡骨相有功名
大厦罩羣木明廷朝萬靈王畿坦如砥結綬當同登
道傍石湖水誰能叩柴荆夢中儻相見秉燭聽殘更

聞威州諸恙退聽邊事已寧少城籌邊樓
攔檻修葺亦畢工作詩寄權制帥高子長
籌邊樓上美髯翁赤白囊飛笑語中勃律天西元來
玉蓬淩雪外昨分弓蹋筵舞罷平欄月橫槩詩成滿
袖風諸校各能歌破陣何須琴裏聽平戎
子長當
一笑領
破陣平戎
皆有本事

石湖居士文集卷第十九

石湖居士文集卷第二十

詩

捷為江樓

河邊堵立看歸蓬三老開頭暮欲東漲水稠灘連峽
內淺山浮石似湘中無人驛路榛榛草有客江樓浩
浩風種落塵消少公事賸裁新語寄詩筒
縣令師永錫
同年能詩

宣化道中

瘦草蕭疎已似秋盤陀山骨束江流兩岸崖若不頑如
鐵爭得狂瀾拍岸休

將至叙州

亂山蒲平野漲水豪大川吳徑無轍跡疎林有炊煙
山農旦燒畝蠻賈暑荷種窮鄉足荒怪打鼓催我舩

七夕至叙州登鎖江亭山谷謫居時屢登
此亭有詩四篇敬用其韻

水口故城丘壘平新亭乃有絙鐵橫舊戎州在對江山
趾下臨馬湖蠻江

路蠻自江出必過城下故實鎖以為限今遷城過江已
失形勝而猶於亭下鎖江特以攔稅而已非本旨也歸舩

擊汰若飛度一雨徹明秋漲生東樓鎖江兩重客筆

墨當代俱詩鳴我來但醉春碧酒屋橋脉脉向三更

郡醞舊名重碧取杜子美東樓詩重碧
酤春酒之句余更其名春碧語意便勝

江安道中近瀘州最險處號張旗三灘言張旗
之頃已過三灘其湍急如此瀘戎之

間有渡瀘亭然不知孔明竟出何路今鎖江對岸
廢城下臨馬湖有韋臯紀功碑歸然荒榛中疑此
或是古跡

穠綠連村荔子殘瘴雲將雨暗前灣張旗且喜三灘

駛叱馭曾驚馬九折艱瀘水舟閑迷古渡馬湖碑缺伴

荒山威名功業吾何有無事飄飄犯百蠻

瀘州南定樓

歸舩東下興悠哉小住危欄把一杯樓下泔泔內江

水明朝同入大江來

題譚德稱扇德稱與楊商卿父子送余遠至
瀘之合江以扇求詩各為題一絕

蠻風吹雨瘴江肥短草荒山鳥不飛盡是瀘南腸斷

句如今分與故人歸

題揚商卿扇

君歸我去兩消魂
愁滿千山鎖瘴雲
後夜短檠風雨
暗誰能相伴細論文

題楊子容扇

雙竹軒窗聽讀書
垂天雲翼要搏扶
與君只作三年
別射策東來過石湖

譚德稱揚商卿父子送余自成都合江亭
相從至瀘南合江縣始分袂水行踰千里
作詩以別

合江亭前送我來
合江縣裏別我去
江流好合人好
乖明日東西南北路
千里追隨不忍歸
一杯重把知
何處臨歧心曲兩茫然
但祝頻書無別語

發合江數里寄楊商卿諸公

臨分滿意說離愁
草草無言祇淚流
舡尾竹林遠縣
市故人猶自立沙頭

過江津縣睡熟不暇稍舡

西風扶擗似乘槎
水闊灘沉浪不花
夢裏竹間喧急
雪覺來舡底哀鳴沙

恭州夜泊

草山礲确彊田疇村落熙然粟豆秋翠竹江村非錦
里青溪夜月已渝州小樓高下依盤石弱纜西東戰
急流入峽初程風物異布裙跣婦揔垂瘤

大熱泊樂温有懷商卿德稱

暑候秋逾濁江流晚更渾瘴風如火炊嵐月似煙昏
城郭廩君國山林妃子園故人新判袂得句與誰論

涪州江險不可泊入黔江棧舟

黃沙翻浪攻排亭潰淖百尺呀成坑幼窪眩轉久乃
平一渦慰帖千澗生篙師絕叫毆川露鳴鏡飛度如鏡
奔霆水從岷來如濁涇夜榜黔江聊濯纓玻璃徹底

鏡面平忽思短棹中流橫釣絲隨風浮月明

妃子園

涪陵荔子天寶所貢去州里所有此園然峽中荔子不及園中遠甚陳紫又閩

中之最也

露葉風枝驛騎傳華清天上一嫣然當時若識陳家
紫何處蠻村更有園

豐都觀

在豐都縣後三里平都山舊名仙都觀相傳前漢王方平後漢陰長生得道處

陰君上外時五雲從地湧出舟龜古栢皆其故物晉隋殿宇無恙壁畫悉是當時遺蹟內王母朝元隊杖尤奇道士云此地即所謂北都羅鄩所治又名平都福地也

神仙得者王方平誰其繼之陰長生飄然空飛五雲
耕上賓陽爨留玉涼石鑪丹氣常夜明寵光萬栢森

千齡峽山偏仄岷江縈洞宮福地古所銘云有北陰
神帝庭太陰黑簿囚鬼靈自從仙都啓巖局明霞流
電飛陽晶輝景下墮鑠九冰塞絕苦道升無形至今
臺殿棲玲竈隋坊唐聖留丹青十仙怪竒溪女清瑤
池仙仗紛娉婷琅璈赴節鏘欲鳴我來秋暑如炊蒸
汗流呀氣扶枯藤摩沙掌衆蹟不暇評聊記梗槩知吾
曾

萬州西山湖亭秋荷尚盛

叢蒼忽明眼山霽灑湖光列岫繞雲錦深林護風香
西山即太華玉井餘秋芳隔江招岑僊共擘雙蓮房

下巖

疇昔中巖一夢殘下巖風景亦高寒峽中無處堪停
棹雨後今朝始凭欄不用苦求毫相現祇教長挂水
簾看山僧勸我題蒼壁坡谷前頭未敢刊

魚復浦泊舟望月出赤甲山山形斷缺如
鼉龍坐而張頤月自缺中騰上山頂

月生赤甲如金盆蹲龍呀口吐復吞長風浩蕩挾之
出影落半江沉復翻天高夜靜四山寂惟有灘聲喧
水門高齋詩翁不可作我亦不眠終夕看

夔門即事

自東川入峽路至恭州便有瘿俗夾岸
山悉瘴小入夔界山皆傑然連三峽夔

水不可飲取之卧龍十里之外雲安麴米春自唐以來稱之今夔酒乃不致佳

峽行風物不堪論
袪暑驕陽雜瘴氛
人入恭南多附贅
山從夔子盡侵雲
竹枝舊曲元無調
麴米新篇但有聞
試覓清冷一杯水
筒泉須自卧龍分

8

瞿唐行

七月十九日至夔子灩澦撒髮不可犯是夜水漲及山腹詰旦視灩澦則已在水中土人云此青草齊也可以冒險而入遂鼓棹略其項而過郡中遣候兵立山上每一舟平安則搖幟以召後舟白鹽赤甲皆峽口大山黃嵌黑石皆峽中至險處入峽西岸有聖泉舟人或向之疾呼曰人渴也泉即迸下一杯許後乾余舟過甚急未之試也

川靈知我歸有程
一夜漲痕千丈生
中流擊楫洶作氣
夾岸簸旗呀失聲
不知灩澦在船底
但覺瞿唐如

鏡平鑿峽疏川
狼石破號山
索飲飛泉驚
白鹽赤甲轉頭失
黑石黃嵌拚命輕
草齊增肥無泊處
竹枝疑咽空餘
情人間險路此奇
絕客裏驚心吾飽
更劒閣翻成蜀道
易請歌范子瞿唐行

夜泊歸州

州有宋玉宅昭君臺

舊國風煙古
新涼瘴癘清
片雲將客夢
微月照江聲
細和悲秋賦
遙憐出塞情
荒山餘闕闕
兒女擅嘉名

秭歸郡圍絕句二首

花竹蕭騷小圃畦
官居翻似隱淪棲
巴山四合秋陽滿
杜宇黃鸝相對啼

孤城偏仄復偏仄前山後山青欲來市聲簫條衙鼓
靜惟有吒灘喧萬雷

吒灘即黃魔灘
下連人野甕

宋玉宅

相傳枋歸縣治即其舊址縣左
旗亭好事者題作宋玉東家

悲秋人去語難工搖落空山草木風猶有市人傳舊
事酒壚還在宋家東

後巫山高一首

余前年入峽嘗賦巫山高今復作
一篇十二峰中東山各一峯最奇

西

不可繪畫左右前後餘峯之可觀者尚多不止十二峯
也不問陰晴雲物常相映帶尤為勝絕但以漲江湍怒
灘橫泊鼓棹而過不復登廟前余以水暴漲得下瞿唐
至巫山縣人云却須水退始可入巫峽一夜水落十餘
丈遂不復滯留

疑真宮前十二峯兩峯娟妙翠插空餘峰競秀尚多

有白壁蒼崖無數重秋江漱石半山腹倚天削鐵荒
行蹤造化鍾奇真瑤巖真靈擇勝探珠宮朝雲未罷
暮雲起陰晴竟日長冥濛瑤姬作意送歸客一夜收
潦仍回風仰看館御飛檝過回首已在虛無中惟餘
烏鴉作使者迎舡送舡西復東

黃牛峽

廟為黃牛神所居即石馬繫祠門處東
坡所書歐公詩及本事碑石在東廡祠
後高峯之上有黃牛跡客舟甚敬之
以歐公故石馬亦有靈扁護其巖

扁

朝離悲秋宅午榜壘石磯小留黃牛廟細讀石馬詩
黃牛隱見蒼山裏石馬至今猶馘耳當年夢境識仙
翁馬為迎門神為起物生不朽繫所逢歐詞蘇筆蒼

言封山高水長翁之風石馬亦與翁無窮

假十二峯

即蕭牛峽山自此直至平喜垠千峯重復靡不奇峭

巴東三峽數巫陽山入西陵更鬱蒼何以假為非確
論直疑溟滓弟高唐

扇子峽

兩岸山尤奇殆過巫峽蝦蟇磴在南岸

茲行看山真飽諳今晨出峽仍窮探南磯北磯白鐵
壁千峰萬峰蒼玉築橫前直疑江已斷崛起競與天
相撓蜀山欲窮此盤礴禹加且盡猶鑿劉望舒宮中
金背蟾泥塗腕盡餘老饒下飲岷江不知去流涎落
吻如排耳翠餅棹剽清甘未暇煮茗和薑鹽聊將

排鼻

滌硯濡我筆恍惚詩律高峻巖

荆渚中流回望巫山無復一點戲成短歌

千峯萬峯巴峽裏不信人間有平地渚宮回望水連
天却疑平地元無山山川相迎復相送轉頭變滅都
如夢歸程萬里今三千幾夢即到石湖邊

魯家洲入沌

三江口即岳陽路水大難行遂入沌行沌中最空處名百里荒盜

也區

過盡巴東巫峽長荆川鼓棹更茫茫避風怕入三江
口乘月貪行百里荒夜後逢人盡刀劒古來踏地皆
耕桑可憐行路難如此一簇寒蘆尚稅場

非行西南
山中不知此
語之妙

自來向陡轉
妙未向更妙

鄂州南樓

誰將玉笛弄中秋黃鶴飛來識舊游漢樹有情橫北渚蜀江無語抱南樓燭天燈火三更市。搖月旌旗萬里舟。却笑鱸鄉垂釣手武昌魚好便淹留。

題黃州臨臯亭

夏口風帆赤壁磯雪堂醞酒竹樓基繫舡一日黃州下。抵辨登臨不辨詩。

江州庾樓夜宴

前瞰大江後臨廬山登臨名勝殆固它處庾亮南樓乃在

武昌非此也亮嘗刺江州後人製此名非斯樓之要

岷江漱北渚廬阜窺南窓名山復大川超覽茲樓雙

何必元規塵自足豪它邦使君林田熟新涼芻酒缸落景澹碧瓦長虹吐金缸客從三峽來噩夢隨奔瀧小留聽琵琶舡旗卷脩杠請呼裂帛絃為拊洮河腔曲終四憑欄倦遊心始降明發挂帆去曉鍾煙外撞

東林寺

慧遠師白蓮社也傍有樂天草堂對山絕頂即天池文殊現燈處李成焚劫南

北山獨不毀二林

談易繙經宰木春三生猶自裊煙熏客塵長隔虎溪水劫火不侵香谷雲老矣懶供蓮社課歸哉快讀草堂文山頭一任天燈現箇事何曾落見聞

過虎溪對東林蒼巖翠樾下浸大澗宛似

靈隱冷泉囑長老法才作亭名曰過溪且
為率山丁薙草定基一朝西畢

過溪無限翠屏開大笑從教虎子猜不獨山中添故事仍教題作小飛來

病倦不能過谷簾三峽寄題

白龍青峽紫煙鑪山北山南只半塗說與同來綠玉杖它年終補卧遊圖

湖口望大孤山

廬阜岡勢斷江流潏相通大孤如小冠插入齋淪中我欲蛻濁浪往馭揚瀾風晃晃銀色界澹澹水精宮

濯足望八荒列宿羅心胷客帆詎肯駐搔首蒼煙叢

彭浪磯阻風

浦口藏舟尋丈怪篙師抱膝朝莫閑逆風來從水府廟濁浪欲碎小孤山太白猶高缺蟾墮長江未盡歸鬢斑短歌聊復怨行路當有聽者凋朱顏

馬當汛阻風居人云非五日或七日風不止謂之重陽信

拍岸回流逆上磯枯楊折筆靜相依趁墟漁子晨事渡賽廟商人晚醉歸重九信來風未愁大千行徧昨俱非羈愁萬斛從頭數帶眼今秋又減圍

放舟風復不順再泊馬當對岸夾中馬當
水府即小說所載神助王勃一席清風處
也戲題兩絕

萬里江隨倦客東馬當山背勒孤蓬無才解賦珠簾
兩誰肯相賒一席風

禁江上口拍山東三日荒寒繫短篷却憶官亭湖裏
去隨人南北解分風

守風嘲舟子

奪命稠灘百戰餘守風端坐恰乘除日長飽飯佳眠
覺閑傍蘆花學釣魚

佛池口大風復泊

碧葦無思連天生青山有情終日橫風聲洶怒木朝
拔川氣流光珠夜明誰能坐守白頭浪我欲往騎金
背鯨俛仰之間撫四海可憐步步愁江程

長風沙

夕陽明遠帆高浪兀孤嶼綿綿淮山來閃閃沙鳥去
落木兩三家炊煙南北渡眉伸擊汰行夢愕阻風處

九月八日泊池口

斜景下天末煙霏酣夕紅餘輝染江色激灑琥珀濃
我從落日西忽到大江東回首舊遊處曛黃錦城中

藥市并樂事歌樓沸晴空故人十二欄豈復念此翁

池州九日用杜牧之齊山韻

年年佳節歌式微秋浦片帆還欲飛萬里蜀魂思遠
道九歌楚調送將歸杯中山影分秋色木末江光借
夕暉細撚黃花一枝盡霏霏金屑滿征衣

離池陽十里清溪口復阻風

恰從秋浦挂蘆條又泊清溪十里餘愁水愁風吹帽
後作雲作雨授衣初遠尋草市沽新酒牢閉蓬窗理
舊書行路阻艱催老病騷騷落雪滿晨梳

梅根夾

辛苦凌波棹平安入夾舟日明渙浦網風側瓦窰煙
老圃客挑菜村巫橫索錢且投人處宿終夜得佳眠
宿長蘆寺方丈

塔廟新浮水汀洲舊布金聊憑一葦力與障萬波侵
帆影窺門近鐘聲出院深夜闌雷破夢欹枕聽潮音
將至吳中親舊多來相逐感懷有作

望見家山意欲飛古來燕晉一沾衣回思客路豈非
夢乍聽鄉音真是歸新事略從年少問故人羞覺坐
中稀不須更說柔榆暖霜後鱸魚也自肥



石湖居士文集卷第二十一

詩


淳熙五年四月二日直宿玉堂懷舊二絕

桂海冰天老歲華直廬重上玉皇家當年曾識青青
璵惟有東墻一架花

雪山刁斗不停撾夜把軍書敢願家珍重玉堂今夜
夢靜聞宮漏隔宮花

初歸石湖

曉霧朝暎紺碧烘橫塘西岸越城東行人半出稻花



上宿鷺孤明菱葉中信脚自能知舊路驚心時復認
隣翁當時手種斜橋柳無限鳴蜩翠掃空

寄蜀州揚道人

老來萬事揔蕭然猶憶西州暑雪邊為報岷峨山水
道如今真箇得歸田

送同年萬元亭知階州

老我曾班萬里春憐君飛棹也浮秦當年母佛名經
裏又見西遊第二人
路入南山舊漢畿油油清渭照牙旗古來百戰功名
地正是雞鳴起舞時

十年關隴困科翰聖德如天盡掃除臨遣中和二千
石好乘春日下寬書

寮

次韻蜀客西歸者來過石湖并寄成都舊

走遍埃塵倦鳥還故鄉元在水雲閒黃梁飯裏夢魂
醒青藜筮前身世閑鷗鷺飛來俱玉立松篁歲晚各
蒼顏岷峨交舊如相問鐵鎖無扃任客攀

十一月大霧中自胥口渡太湖

白霧漫空白浪深舟如竹葉信浮沈科頭晏起吾何
敢自有山川印此心

靈祐觀

即古神景宮也相傳舊宮廊百間繞三大殿謂之百廊三殿今不復有堂前有

垂絲檜
三本

賜谷西門鎖洞宮古苔斑駁檜蒙茸百廊三殿惟督井萬壑千巖有瘦筇

林屋洞

仙經一名左神幽墟洞天正洞門在觀中出觀左門又有二門一名雨洞一名

賜谷洞

擊水搏風浪雪翻煙消日出見山村舊知浮玉北堂路今到幽墟三洞門石燕翔飛遮炬火金龍深阻護嵌根寶鍾靈鼓何須扣庭柱宵晨已默存

包山寺

在毛公壇前別峯下慈受深老所作深老入山時手植二竹今遂成林山上松

多非種植風吹松子自成謂之飛松

仙塢遜半坐精廬遷古幢槁杓昔開山至今坐道場熾然說慈忍禪海薰戒香祥竹暗寒碧飛松盤老蒼舡鼓入宴坐紅塵隔滄浪藤杖懶歸去共倚蒲團床

毛公壇福地

西山最深處毛公劉根也身生綠毛故云有劉道人作小菴在隱泉

上

松蘿滴翠白晝陰七十二峯中最深綠毛仙翁已仙去惟有石壇留竹塢竹陰掃壇石槎牙漢時風雨生鮮花山中笙鶴尚遺響湖外人煙驚歲華道人眸子照秋色邀我分山築丹室驅丁役甲莫兒嬉渴飲隱

泉飢餌水

上方寺 在銷夏灣上

樣棹古銷夏楮節新上方珠灣鎖負折冰鏡沉空光
楓頰醉晴日橘黃明早霜開門松竹逕隨處有清涼

銷夏灣 吳王避暑處平湖循山一灣雲水勝絕

兼磯楓渚放離宮一曲清漣九里風縱有暑光無着
處青山環水水浮空

橘園

橘中有佳人招客果下游胡床到何許坐我金碧洲
沉沉剪綵山垂垂萬星毬奇采日中麗生香風外浮

折贈黃團雙珍逾桃李投拆開甘露囊快吸冰泉甌
熱惱散五濁豈止沉痾瘳未知商山樂能如洞庭不

華山寺 在西山盡處多泉泓僧房中數處有之有湯岐公胡茂老樞密孫仲益尚

書諸公題詩

五湖西岸孤絕處旃檀大士來同住性空真水遍清
涼隨緣出現無方所蒙泉新潔鑑泉明滄苔羨藜甘
似乳何須苦問蓮開未桂子萸花了今古三翁綵筆
照青霞從此它山都不數我今閑行作閑客暫借雲
窻解包具魂清骨冷不成眠徹曉跣趺聽粥鼓脚力
有餘西塢盡明日灣頭更鳴榔却上東山喚德雲別

峯應在銀濤許

縹緲峯

西山最高峯

滿載清閑一棹孤長風相送入仙都莫愁懷抱無消
豁縹緲峯頭望太湖

鎮下放舡過東山二首

打頭風急鼻雷鼾醉夢開心鐵石頑惟有愛山貪未
厭西山纔了又東山

老禪竿木各逢場詩客端來共整杭一任顛風聒高
浪滿舡歡笑和詩忙

翠峯寺

在東山雪竇顯老道場山半有悟道井
庭下大羅漢木兩株虬屈蟠壯甚奇古

來從第九天橋社繫歸舡借問翠峯路誰叅雪竇禪
應真庭下木說法井中泉公案新翻出諸方一任傳

社山放舡

社下鍾聲送客舡凌波撾鼓轉滄灣橫煙裊處雞豚
社落日濃邊摘袖山八表茫茫孤鳥去萬生擾擾一
舟閑湖心行路平如鏡陸地風波却險艱

東山渡湖

渡舡帆飽如張弓倏忽世界寒沖瀦堪輿無根日夜
坱泛浩浩元氣蓬蓬風湖光日色不可辨但見水精火
齊合集成虛空波臣川后敬愛客約束祕怪驅魚龍

大千摠作大圓鏡光中飛度迷西東蒼茫一身無四
壁八方上下惟孤蓬毛仙出迎笑相問何乃自苦荒
寒中吾生蓋頭之片瓦到處漂搖稱寓公猶嫌塵土
礙人眼茲遊勝絕餘難同九衢車馬恍昨夢付與一
笑隨飛鴻

與游子明同過石湖

契闊相逢一笑歡當年森桂共駸鸞試談舊事醒村
酒仍趁新晴暖客鞍梅粉都皴啼宿雨柳黃不展噤
春寒從今鼎鼎多幽事仍喜蛙聲不在官

次韻同年楊廷秀使君寄題石湖

儀凰當瑞九韶成何事栖鸞滯石城公退蕭然真吏
隱文名籍甚更詩聲句從月脇天心得筆與冰甌雪
椀清書到石湖春亦到平堤梅影殼紋生

半世輕隨出岫雲如今歸作卧雲人小山有賦招游
子大塊無私佚老身禪版夢中千嶂曉鬢絲風裏萬
花春新年社甕鷓鴣黃滿賸醉田頭紫領巾

自閬門騎馬入越城

日影穿雲亦未濃夜來疎雨洗清空村前村後東風
滿峪數桃花一萬重

斷橋墮岸數家村雨少晴多減漲痕雪白我鷓兒綠楊

柳日高猶自掩柴門

姚夫人挽歌詞

矜晚虞鯨後詩書孟母隣高懷琴意靜晚福詔恩新
自古悲風木子今詠澗蘋松銘無溢美百世考堅珉
此山堂千巖觀新成徐叔智運使吟古風
相賀次韻謝之

此山松竹堪怡顏千巖觀前多好山誰云都無卓錫
地亦尚有此茅三間洞門無鑰常不關小徑百曲蒼
龍盤衆芳迷人不知處片雲與我俱忘還花前一杯
重鼎呂明日岸田并灌圃種苗種豆從此忙昨夜驚

雷送膏雨

贈舉書記歸雲丘

一枕清風四十霜孤生無處話淒涼相看只有厖眉
客還在雲丘舊草堂

四股澗松雷斧醉十圍巖巖桂燒痕枯不知階下跳珠碎
處舊竹春來有筍無

青山面目想依依水石風林入夢思白髮蒼顏心故
在只如當日看山時

題查山林氏菴

庭戶清深宅翠微雪如佳壁喚題詩煙梢直聳聳青

園屋露葉鮮綠滿籬。宿雨一春。纔沈鴨。新燕幾日
已藏碑。山僧見客如枯木。疑是懶殘南嶽師。

木瀆道中風雨震雷大作

惡風奔雲何壯哉。溪水欲立山欲摧。石岸迸裂纜邊
樹胡床動搖舡底雷。靈巖塔後雨脚掛。胥口廟前浪
花來。蓬漏衣露不足惜。酒瓶傾側愁空壘。

光福塘上

指點炊煙隔莽蒼。午食應可寄前莊。雞聲人語小家
樂。木葉草花深巷香。春去已空衣尚絮。雨來何晚稻
初芒。祇今農事村村急。第一先陂貯水塘。

與至先兄遊諸園看牡丹三日行徧

拄杖無邊處處過。粉圍紅繞柰春何。闔門昨日看不
足。今日婁門花更多。

蜂蝶蕭騷草露漫。小家籬落閉荒寒。欲知國色天香
句。須是倚欄燒燭看。

次韻同年揚使君回自毗陵同泛石湖舟

中見贈

客舫中流下人家。夾岸看洛花。堆錦暖吳藕。鏤冰寒
莫厭清歡暫。須知後會難。小詩煩本事。任禿絲毫端。
曲誤不須顧。客狂當好看。日斜雙鬢急。風駛夾衣寒。

賸說歸田樂。歌行路難。石湖三萬頃。何處覓憂端。
北渚乘風渡。西山帶霧看。袖單嫌翠薄。杯淺怯金寒。
宿雨收。全易春醒。解却難。且留行色住。重肯過蘇端。
。 頃乾道辛卯歲三月望夜。與周子充內翰
汎舟石湖松江之間。夜艾歸宿農圃。距今
淳熙己亥九年矣。余先得歸田。復以是夕
泛湖。有懷昔遊賦詩紀事。

石湖花月浮春空。憶共仙人同短篷。三年半醉吹笛
去。擢入濕銀天鏡中。鶴鳴喚歸斗不沒。却步扶疎花
底月。不知行到碧桃邊。但見天風吹積雪。月圓月缺

今幾回。依舊滿湖金碧堆。仙人還上玉堂宿。合有片
時清夢來。一笑流光飛電抹。常娥相對兩愁絕。桂枝
應亦老無花。蟾兔不須疑鶴髮。

懶床午坐

晴霄垂北窓。卧我翠幄中。不知錢斧鑿成此太虛空。
前雲稍過盡。後雲來無窮。鳥雀有底忙。激彈過墻東。
不如雙飛蝶。款款弄微風。我亦困思生。拋書眼蒙茸。

秋前三日大雨

暑殘堪喜亦堪憐。恰似沙場喋血兵。縱有背城餘燼
在。能禁幾度瀉簷聲。

秋前風雨頓涼

秋期如約不須催。雨脚風聲兩快哉。但得暑光如寇
還。不辭老景似潮來。酒杯觸撥詩情動。書卷招邀病
眼開。明日更涼。吾已卜暮雲。渾作亂峯堆。

立秋後二日泛舟越來溪三絕

西風初入小溪帆。旋織波紋縐淺藍。行入鬧荷無水
面。紅蓮沈醉白蓮酣。

一川新漲熨秋光。挂起蓬窗受晚涼。揚柳無窮蟬不
斷。好風將夢過橫塘。

飯後茶前困思生。水寬風穩信篙撐。不知浪打舡頭

響。聽作凌波解珮聲。

采菱戶

采菱辛苦似天刑。刺手朱殷鬼質青。休問揚荷涉江
曲。只堪聊誦楚詞聽。

曉起聞雨

老來稍喜睡魔清。兀坐枯株聽五更。蕭索輪囷憐燭
燼。飛揚跋扈厭蚊聲。登高事了從教雨。刈熟人忙却
要晴。莫道西成便無慮。大須濃日煦香秔。

說虎軒夜坐

白雲深處卧癡頑。挂起東窗水月寬。但得好詩生眼

底何須寶刹現毫端。一身莫作官身想。萬境都如夢境看。蟹舍隣翁能日醉。呼來分與一蒲團。

偶書

太行巫峽費車舟。休向滄溟認一漚。日下冰山難把玩。雨中土偶任漂流。元無刻木牽絲技。但合收繩卷索休。惟有酒缸并飯甑。却須杭秫十分收。

睡覺

漏箭聲中斷角哀。界窓猶有月徘徊。心兵休為一蚊動。句法却隨孤雁來。漱罷玉池甘似醴。夢餘金鼓辯如雷。夜長展轉添許事。推枕蕭然一笑咍。

閭門行送胡子遠著作守漢州

前年送君朝明光。今年送君還故鄉。錦官樓上一尊酒。萬里閭門折楊柳。吳波泛泛蜀山蒼。人生行路如許長。相逢相送鬢如雪。人生能禁幾離別。房湖風月開春臺。石湖水雲歸去來。西棹東帆君未了。相逢還向閭門道。

嘲蚊四十韻

暑魃方肆行。羽孽亦厲習。肖翹極么麼。蚩蚩累闕翕。濕生同糞蝟。腐化類宵熠。初來鬧郭郭。少進亘原隰。嚶如蠅聲。薨聚若蝨羽。揖俄為隱雷。閑遂作密霰。集

口銜鋼針鋒力洞袖衣龍袂啾聲先計議。著肉便噓吸。
立豹猶未定卓錫已深入血隨姑嘍升勢甚轆轤汲。
沉酣尻益高飽滿腹漸急。晶晶紫蟹眼滴滴紅飯粒。
拂掠倦體煩爬搔瘁肌澀抹東不虞西擒一已竄十。
新癩蓓蕾漲宿暈斑爛過竟夜眠展轉連床歎於悒。
云何人戚欣乃繫汝張歛驅以葵扇風熏以艾煙濕。
繁長鎮藏遮帳隙亟補葺火攻憚穢臭手拍媼腥汁。
伏翼佐掃除網蛛助收拾薄暮洵交攻大明訂未戢。
牛革厚逾氈蠻介銘勝釵遭汝尚欲困嗟人何以給。
夏虫雖衆多罪性相百什蜂萬豈房櫳蟣虱但禪褶。

羊羶螳登俎驥逸重附馬蠓惟舞醯甕蟬止崇書日表。
蚤為鴆所撮蠅亦虎能執彼愆可貫死汝罪當獻級。
涼颯儵然至醜類殆哉及一吹甯叻破再鼓翅翎繫。
三千蹠頡利百萬走尋邑快哉六合內蔑有一塵立。
虛空既清涼家巷得寧輯雞窻夜可誦蛩機曉猶織。
雨簾繡浪卷風燭淚珠泣客來添羽觴人靜拂塵笈。
恍還神明觀似啓坏戶蟄消長誰使然智力詎能及。

閭門戲調行客

日夜飛帆與跨鞍閭門川陸路漫漫人生自苦身餘。
幾天色無情歲又寒萬事惟堪六如觀一杯莫信四。

并難重陽雖過黃花少尚有遲開玉雪團

○九月二十八日湖上檢校籬落

村北村南打稻聲荒園屐齒亦嬉晴菊邊更覺朝陽
好松下偏聞晚吹清一歲無非吾樂事千金不博此
閑行周遭踏遍芙蓉岸足痺腰頑栩栩輕

晚步吳故城下

意行殊不計榛管管風袖飄然勝羽翰拄杖前頭雙雉
起浮圖絕頂一鷗盤醉紅匝地斜曛暖熨練涵空漲
水寒却向東臯望煙火缺蟾先映榭林丹

上沙田舍

更無雲物起微陰隴畝人家各好音歲晚陽和歸稻
把夜來霜力到楓林兒童笑裏豐年面烏鳥聲中落
日心釀秫炊秔都入手賸拚腰腳辦登臨

與現壽二長老遊壽泉因話去年林屋之

遊題贈

何年錫杖斲清甘天遣深源壽此菴金壓萬枝浮倒
影爲君題作菊花潭

松風放浪入雲關二袖相從一士閑人與瘦筇俱老
健去年今日在包山

渡太湖

囊風閣雨半晴陰慘澹誰知造化心
妾命沈浮惟一葉計身輕重亦千金
紅塵猶道不勝險白浪莫嗔如許深
晚得蕪山堪寄纜卧聽鼉吼與龍吟

再渡胥口

古來此地快逢心天繞明湖日照臨
一鴈雲平時隱見兩山波動對浮沈
衰驄都共荻花老醉面不如楓葉深
曾戶釣徒來問訊去年盟在肯重尋

跨馬過練壩喜晴

稻穗初乾怕雨時晚來蒸暖欲霏微
西風若肯吹雲盡不惜飄飄側帽歸

晚歸石湖

何須駟馬眩鄉關只作歸農老圃者
夢裏曾腰綰結佩年來新著情遊冠
和煙種竹聊醫俗帶月聞蛙不在官
又矣此心恬不動如今併與此身安

此山堂開爐夜坐

困眠醒坐一龕多竹洞無關斷客過
貪向爐中煨榻拙懶從掌上看菴摩
閑無雜念惟詩在老不甘心奈鏡何
八萬四千安樂法元無祕密可伽陀

入城

十里清風一餉間片帆真欲解人顏
林家庄近聞鶉

鳴舡到閭門儘未關

儘字俗用已久慎
理只合用盡字

次韻早蚊

羽蟲么麼塞區寰造化胡為弗疾頑長養汙泥草木
處縱橫大地山河間夜聲雷動人力屈秋喙花開天
理還但願江湖無白鳥何須金鼎鑄神姦

冬至晚起枕上有懷晉陵揚使君

新衣兒女鬧燈前夢裏莊周正栩栩騎馬十年聽曉
鼓人生元有日高眠
多稼亭邊有所思冬來撚却幾行鬚也應坐擁黃紬
被斷角孤鴻摠要詩

寒雨

何事冬來雨打窻夜聲滴滴曉聲淙若為化作漫天
雪徑上孤蓬釣晚江

戲贈脚婆

日滿東窻照被堆宿湯猶自暖如煨尺三汙脚君休
笑曾踏靴霜待漏來

除夜前二日夜雨

雪不成花夜雨來龍壘頭一洗定無埃小童却怕溪橋
滑明日先生合探梅

次韻章秀才北城新圃

方流桃花塢窈窕入壺天碧城當巖岫清灣如澗泉
風月欲無價聊費四萬錢雪後春事起紅雲蜂蝶邊
西城如西塞桃花古來多釣艇鰕魚肥前身張志和
煙霏幾白鷺風雨一綠蓑清江韻新引清絕勝陽阿

夢中作

漠漠人間一氣平虛無宮殿鎖飛瓊碧雲萬里海光
動何處書來金鶴鳴

北城梅爲雪所厄

凍蕊粘枝瘦欲乾新年猶未有春看雪花祇欲欺紅
紫不道梅花也怕寒

雪後六言二首

雨聲和深巷屐風力到短檠燈可惜滴殘簷雪從教
漂盡河冰

歲寒被屋萬卷風急踈窻一燈高卧眼生醉纈遠遊
鬚有堅冰

元夕大風雨二絕

東風無賴妬華年一夜凄寒到酒邊放盡珠簾遮盡
炬莫教簷雨濕青煙

河傾海立夜翻盆不獨妨燈更損春凍澁笙簧猶可
耐滴皴梅頰勢須嗔

春懷

柳顰梅笑各相惱詩債甚難俱見尋莫道幽居無一事春來風物恁關心

自橫塘橋過黃山

陣陣輕寒細馬驕竹林茅店小帘招東風已綠南溪水更深溪南萬柳條

次韻謝李叔玠追路送筍

墮地錦棚茁解衣溫玉姿來償食竹債大勝伏雌炊少日羹藜子老來煨芋師盤餐登異味指動已先知石湖居士文集卷第二十一

石湖居士文集卷第二十二

詩

秀州門外泊舟

拍岸清波撲岸埃黑頭霜鬢幾徘徊禾輿門外官楊柳又見扁舟上堰來

臨平道中

煙雨桃花夾岸栽低低渾欲傍舡來石湖有此紅千葉前日春寒恁未開

夜過越上不得遊覽

王程公事兩相催衝雨片帆連夜開千巖萬壑在何

處山陰道中無好懷豈有酒舡尋賀老興盡那能訪
安道鑑湖春色漫芳菲付與青青河畔草

道中古意二絕

桃李寂無言垂楊照溪綠不見苧蘿人空吟若耶曲
浣沙寂不好辛苦觸戰箭東施無麗質安穩嫁鄉縣

觀禊帖有感三絕

古人賦多情無事輒愁苦蘭亭一觴詠感慨乃如許
寶章薶九泉摹本範百世白鵝滿波間誰識腕中意
三日天氣新楔飲傳自古今人不好事佳節棄如土

浙東舟中

處處槿樊園家家桃廡門魚鹽臨水市煙火隔江村
雨過張帆重潮來汲井渾羣多跼短蓬底休說兩朱轡

初赴明州

四征惟是欠東征行李如今忽四明海接三韓諸島
近江分七堰兩潮平擬將寬大來宣詔先赴清和去
勸耕頂踵國恩元未報驅驅何敢歎勞生

昌國縣圖障於海中

題字云自此與高麗國
接界蓋字內極東處也

寄虎丘範長老

誰云簪紱生成禽亦漫為官漫好音身已備嘗生老
病心何曾住去來今一波不動月空照萬籟無清風

汲井由不
切舟中

未坡訪三過
門問考病死
一彈指頃去未
今此翻用其語
似更有味

自吟持此東歸似同志故應分我半山林

次韻汪仲嘉尚書喜雨

雨雲渾似雪雲同天意入心本自通吏役驅驅騎馬
滑何如歌枕閉門中

老身窮苦不須憂未有毫分慰此州但得田間無歎
息何須地上見錢流

○曉起

窻明驚起倒裳衣鈴索頻搖定怪遲即入簿書叢裏
去少留歌枕聽黃鸝

○大風

四明亦有颶風

颶母來從海若家青天白地忽飛沙煩將殘暑驅除
盡只莫顛狂損稻花

大黃花

大芋高荷半畝陰玉英危綴碧瑤簪誰知一葉蓮花
面中有將軍劍戟心

進修堂前荷花

方池留水勝埋盆露入蓮腮沁粉痕鈴索無聲人不
到小禽飛入鬧荷根

州宅堂前荷花

凌波仙子靜中芳也帶酣紅學醉粧有意十分開曉

露無情一餉飲斜陽泥根玉雪元無染風葉青葱亦
自香想得石湖花正好接天雲錦畫舫涼

新荔支四絕

荔浦園林瘴霧中戎州沽酒擘輕紅五年食指無占
處何意相逢萬壑東

海北天西兩鬢蓬閩山猶欠一枝筇艸舫荔子如新
摘行脚何須更雪峯

甘露凝成一顆冰露穠冰厚更芳馨夜涼將到星河
下擬共常娥鬪月明

趨船飛來不作難紅塵一騎笑長安孫郎皴玉無消

息先破潘郎玳瑁盤四明海舟自福唐來順風三數日至得荔子色香都未減大勝戎涪間所

產莆陽孫使君許寄密荔過期不至貳車潘進奉餉玳瑁一種亦佳併賦之

甬東道院午坐

一夜西風轉酒旗午餘殘暑不多時綠荷半蝕霜前
葉丹桂全封雨後枝忙裏有詩償日課老來無賦為
秋悲梳頭小隸那知此強向窓前數鬢絲

東門外觀刈熟民間租米舫相銜入門喜

作二絕

菊莎杞棘夔無煙日日文書橫索錢今日甬東官况
好東津門外看租舫文書謂諸司督漕者

潮到靈橋綠繞舡海邊力穡婁豐年淡青山色淺黃
稻恰似昏門九月天

探木犀

秋半秋香花信遲攀枝擘葉看纖微昨朝尚作茶槍
瘦今雨催成粟粒肥

九月五日晴暖步後園

海氣烘晴入斷霞半空雲影界山斜輕羅小扇游蜂
畔只比東風有菊花

九日憶菊坡

菊坡長恨隔橫塘城郭山林自不雙放棹松江花已

遠濤江之外更鄞江

重陽九經堂作

俗間佳節自匆匆老去悲秋又客中青嶂卷簾三面
月黃花吹鬢幾絲風十年故國新栽柳萬里他鄉舊
轉蓬誰與安排今夜夢片帆飛到小籬東

真瑞堂前丹桂

血色凡花太俗生花工新意涼秋英袍紅太重鞋紅
淺畫不能樓句寫成

官忙風月鎮長閑開遍香紅酒尚寒若要與花相領

略千巖隨分有欄干

石湖千巖觀前
手植丹桂二畝

題羔羊齋外木芙蓉

慵粧酣酒夕陽濃。洗盡霜痕看綺叢。
綠地團花紅錦障。不知庭院有西風。

進思堂夜坐懷故山

塵事潮來不可推。身如病鶴強絳綈。
簿書遮斷尋詩路。風雨驚殘問月盃。
想得竹門無客到。直須雪夜有
舡迴。鱸鄉望眼雙明處。祇欠凌霄萬仞臺。

楊少監寄西征近詩來。因賦二絕為謝詩。

卷第一首乃石湖作別時倡和也。

柴門重客醉中歸。尚憶揮毫索紙時。
何物與儂供不

朽西征卷首石湖詩

錦囊隨上越王臺。天海風濤亦壯哉。
書到嶺頭梅恰動。一枝應伴一篇來。

羔羊齋小池兩瀆木芙蓉盛開有懷故園
洞戶掩秋深。畫橋橫晚靜。嫋嫋芙蓉風。
池光弄花影。懷我白鷗邊。錦障繚千頃。
明湖拍岸平。紅綠染天鏡。釣舡無畔岸。
收拾入簿領。墻藩東院落。寒窘令人瘦。

鹿鳴席上贈貢士

登陸由來說四明。台星光處更魁星。
海濱二老尊周室。館下諸生右漢廷。
秋賦重增人物志。春闈俱上沸

名經一飛好趁扶搖便咫尺西與是北冥

○大廳後堂南窓負暄

萬壑無聲海不波一窓油紙暮春和醉眠陡覺氍毹
贅圍坐翻嫌榻拙多水暖玉池添漱嗽花生銀海費
揩摩端如擁褐茅簷下祇欠烏鳥擊缶歌

晚步北園

刮地晴飈逞海痕出門無扇可障塵交黏瘠土何時
雪梅糝踈林昨夜春天鏡風煙疑夢事鬢霜時節尚
官身裹裹章束帶朝還暮慚愧青鞋紫領巾

裹

謝賜臘藥感遇之什

鴻寶刀圭下九關十年長奉壘封看扶持蒲柳身猶
健收拾桑榆歲又寒天地恩深雙鬢雪山川途遠一
心丹疲眩疾苦今何似拜手歸來愧伐檀

立春後一日作

浮生萬法本悠哉大笑羲娥轉轂催官事已邀癡作
伴春風應共老俱來雲容雪意將詩問柳眼花心待
酒媒九十韶光天不靳人間笑口自難開

春前十日作

臘淺猶賒十日春官忙長愧百年身雪催未動詩無
加愁遣還來酒不神節物何曾欺老病書生自瀆坑

古語云生子
懶了官事

悲辛終朝戚促成何事今古紛紛一窖塵

三江亭觀雪

陰山陽朔雪中迴行到天西玉作堆乘興却遊東海
上白銀宮闕認蓬萊

懷歸寄題小艇

日出塵生萬劫忙可憐虛費隙駒光若教閑裏工夫
到始覺淡中滋味長歲晚角巾思芋栗年來手版愧
耕桑松風蘿月須相信春水深時上野航

雪後雨作

瑞葉飛來麥已青更煩膏雨發欣榮東風不是厭勝

六却怕雪天容易晴

再雪

銀竹方依簷住瑤花又入簾窺一白本憐麥瘦重來
應爲梅遲

立春日陪魏丞相登三江亭

佳節登臨始此回聊從晡靄望蓬萊水分江北渡頭
去風自海東潮外來太白天寒猶帶雪十洲地暖已
浮醅一尊往酌發舡鼓我亦歸帆相次開

寄題鹿伯可見一堂

夢覺春闈俱轉蓬仙凡今隔玉霄東聊攀鐵鎖問何

似豈敢避堂遮蓋公

生來於君一歲長決去愧我三年遲今世誰不落第
二著鞭尚續堂中詩

雪溪興盡舡當迴却擬登陸遊天台經行見一堂前
路轉入湖山尋悞來

將赴建康出城

牒許繽紛塞甕天經年癡坐兩三椽出門納納乾坤
大依舊青山繞畫舡

寺莊

大麥成苞小麥深秧田水滿綠浮針今年一飽全無

慮寬盡歸舟去客心

育王方丈

窻紙悲嘶萬壑風石梁飛磔倒枯松因勤昨夜三更
雨添作投淵雪色龍

鰻井

缺甃神通未易論雨聲留客夜翻盆不辭客路春泥
滑且足秧田舊水痕

妙喜泉

二士共譚碑上法千僧同酌沼中泉法門泉味知多
少水桶繩頭一串穿

明月堂

古來禪窟鑊巖高拂子崔嵬柱杖橫塔上佛光堂上月莫言八公案不分明

自育王過天童松林三十里

竹輿穴幼窈入蕭森逗雨梳風冷客襟翠錦屠蘇三十里不知脚底白雲深

香山

抖擻軒裳一闕塵任教空翠滴烏巾老身已到藍輿上處處青山是故人

育王望海亭

海雲晻靄日龍葱按指光中萬象空想見蓬萊西望眼也應知我立長風

天童三閣

千佛羅漢善財

松蘿幕天墮空翠迎面風香三十里曾宮亭亭隔瑤水碧瓦瓊榭五雲裏千佛當門無半偈聲聞未解祖師意徧參踏破青鞋底前樓後閣玲瓏起閑客那知如許事東齋聽雨爛熳睡覺來一轉聊布施普請雲堂來擬議

